

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（205）

圖 國家圖書館出版社

中國地方志佛道教文獻匯纂·寺觀卷
福建省 漳州市


漳浦縣志


清·陳汝咸原本

施錫衛再續纂修

清光緒間續修

民國二十五年（一九三六）鉛印本







塔

東塔

在縣擢仙坊內

北塔

在忠節坊中孚巷口

新塔

在縣西仙雲坊內卽臨漳驛前也

西塔

在縣西泗州佛院內元至正六年造今院廢

興教塔

在興教寺內大小四座不知何時所建刻佛呪其上字久磨

滅不可辨

法雲塔

在北門外四里許唐時釋黃妙應建爲浦僧蛻藏之所康熙

庚午僧淨統重修

聖杯塔

在北門外五里許

黃倉塔

在東門外黃倉保內

菜埔塔

在六都

漳浦縣志 卷二

參天塔

在十七都東林山上鄉紳黃性震建

石礮塔

在雲霄海口北奇外石礮尖上里人陳天達等募建表曰斯

文永昌先是山有石筍傾倒以塔補其闕謂有關於鎮城形勝

廟宇 寺 庵 觀 廟 祠

漳浦爲閩之極南地去中州最遠凡琳宮寶所既乏宸章煥爛亦鮮碑板流傳然而羽人遁迹柄子棲真清勝絕塵溪山生色斯不得以野寺荒臺概棄之耳

興教寺 在縣治後仙雲坊中爲佛殿翼以兩廡東爲鐘樓西爲鼓樓

前爲山門爲談空亭殿後爲法堂堂東爲方丈西爲西竺山門東有古

泉精舍

中書井故名

鼓樓西爲清軒軒前有屋曰不二按寺創於唐景福元年

僧智區

拓於宋嘉定間

僧無援

當時名殿曰大雄後燬於兵元延祐間僧玉斧修

之久而傾圯明正統間僧法傳成化間僧道讓相繼修葺旣而方丈法堂山門鐘鼓樓俱壞而鐘樓與鐘燬於兵弘正間僧雲山正岡淨源永

嵩等以次架造嘉靖四十四年山門壞僧如高與衆更建萬歷二年正毀壞高復與眞冲等募衆重建仍舊而更崇之庭東西有兩石塔山門外小石塔二談空亭外石碑二國朝順治戊子總兵王之綱更修之應城寺 在縣東南桂林坊宋熙甯間建元祐二年僧無叟修明弘治五年僧寶海重修後幾廢嘉靖二十年僧宗源復興之崇禎庚辰僧性欽募修太學生胡思謙助成之兵燹後僧普聞修之金碧一新

福壽院 在七都梅鋪元至正間僧錦江建明成化十年僧雲山重建初雲山往京給度牒依中貴人盧姓者出家後盧沒山負其骸歸痊寺左廬嗣子御馬監太監鄧原鎮聞高其義捐金無算令廣造殿閣刻孝宗勅書於寺碑李見羅戎鎮海時爲書法堂二大字今存國朝康熙八年僧定心披榛覓路修葺之厥後僧實崇等更其舊製縉紳張若仲爲之序

隆興院 在入都元至正二年僧高峯建成化十九年僧正綱重修

青陽院 在十都宋淳熙元年建元至正二年僧雲端重建明宏治間僧正綱修國朝遷移後久廢康熙丁卯鄉人延苦行僧淨智共修建面古雷大江右有新德山皆勝概

太平院 在二十三都太平山元至正間建明成化間僧淨聰修嘉靖三十年僧永聯重建未幾僧如聳重修

達摩院 在二十三都太武山元至正初僧月慧重建今頽廢惟存正堂一區

寶智寺 在銅山明太史黃道周有讚今廢

庵

浦方言僧舍爲庵不可傳遠今悉改爲庵

準提室 在邑西街康熙十三年僧淨熙徒衍觀購地於邑紳衿建九雲庵 九雲淨室 在東郊麥園埔明萬曆末僧心本建地爲邑人商爲標所捨太守商文昭顏爲海藏祇園都御史王志道題曰淨華妙雲

白雲庵 在東羅山卽入景所稱旭日山半有左右二石洞左高丈許深廣倍之右高丈五尺深廣亦倍方正可坐數十人元僧如海建嘉靖間邑人王成修陳垂詩云數里有招提九雲傳已舊瓔珞護瞿曇芙蓉發清晝

中峯庵 在梁山唐鍾紹京有詩

清泉庵 在下佈社梁山之半由庵西行半有巨石架空泉從石中出清冽故名本宋時舊刹成化間僧伯成結庵居之後久廢嘉靖中邑人陳梧重建以僧智山主之庵下有石半畝鑄身毒國僧所書心經字法奇古巖頂巨石出泉處刻蓬萊深處四大字其有壘石爲室扁曰丹霞洞天蓋泉石之勝甲子浦邑招提好事者著爲入景有蟠桃塢說夢臺諸勝四明秦勳與訓導周宗鼎嘗登此秦詩云遠看山色當門曉斜倚秋花夾路旁周詩云兩澗泉聲喧佛國一天秋色散梁崗

鹿溪庵 在縣東魚腹渡卽入景春漲地地饒巨石挹梁鹿之勝後有

梅花樓傍有亭三曰聽濤曰栖月曰江上數峯青又古木巨石中有亭曰木石居相傳元時有白尚書者隱此鐫第一山及磻溪釣磯七大字於石尚書之名無可考明天啓中邑鄉紳胡廷宴建

繞江庵 在楓溪保萬曆間僧如松建頗得江山之勝

木先庵 在楓溪保木石清峭溪流滌帶足供遊覽

海月庵 在十都港裏社關石洞爲佛室俯瞰東海每月初上必照佛項故名相傳庵爲宋咸淳中建明朱天球詩云新月浮潮寒欲曙古松臥壑午生風

天湖庵 在大帽山頂成化十年僧澄心建嘉靖三十五年燬僧智珠重建山谷深邃與人世隔絕

悟道庵 在天湖之北三里許前有石高十餘丈或云卽大忌石也元至正間建明嘉靖中僧智嵩修崇禎癸未都御史王志道重修或曰始建者爲宋進士蔡逢甲避元隱居於此

金仙庵 在悟道之北元至正十九年僧智海建相傳有人逢老宿導至山陰指示勝概萬歷中邑人趙居庭修之前有方池架梁而渡繞以石欄後頽廢康熙辛酉僧如定募建之

紡車庵 在縣北三十里長林鋪大路邊蔡衍錕詩云古寺偏當孔道衝禪扉長借暮雲封幾回人唱勞勞曲仍答花宮夜夜鐘風定熒聲遲白露更深月色冷青松門前車馬紛紛去自在烟霞第一重

報德庵 在金仙之外正德間僧圓峯募建

龍雲庵 卽橫山庵在二十人都屋已圯遺構僅存一二

海雲庵 在海雲山巨石層疊爲屋舊有神僧居之庵在山半泉石清奇

渡頭庵 在雲霄漳水之北雲霄渡上俯瞰江流水山環映爲津亭之勝鄉人吳永綏建

南山庵 在南山阿弘治間鄉人所建潮水自北岐入注滿諸溪與菜

畦稻園相隱映足供勝覽

仙峯庵 在雲霄仙人山山下有十八洞宋陳景肅與翁待舉吳大成楊仕訓仕謹鄭柔薛京嘗講學於此時號七賢陳頴云數貫榆錢買斷雲煙橫跨翠石構屋三椽吟風弄月翻閱韋編讀書有悟對景忘言進士廖軒扁曰雲嘗五色明嘉靖中寥有富人利庵地爲墳託以捐貲重建潛易之庵非故址矣

龍湫庵 在雲霄白塔山有石室石洞洞可坐百許人庵前大石鑄眼中杯渡四大字俯瞰大江

雙峯庵 在雲霄高地山面挹梁山地僻山幽苦行僧如佺居之原爲鄉人朱業叟所建

古樓庵 嶺頂庵 在盤陀嶺 荷步庵

石巖庵 在後坪 沙溪庵

寶珠庵 在邑南門外十五里火燒寮地林巒幽秀水石清奇萬曆間

莆田林三教兆恩張璉之亂流寓於浦擇地建庵令其徒張氏居之有
益藩及藩臬贈匾康熙壬申道者張勇功重建

白雲庵 在六鰲山頂爲祝聖習儀之所

廢院二十二 依舊志

泗州塔院 在縣內 太平院 在縣東街 北巖院 在縣西 靈瑞院 在縣山 永壽院 在縣東門外 重興

院 在縣內 瑞巖院 在縣內 興教院 在縣內 保慶院 在縣內 保安院 在縣內 珠明院 在縣內 景甯院 在縣內

上南峯院 在縣內 崇壽院 在縣內 崇信院 在縣內 安德院 在縣內 資福院 在縣內 吉祥院 在縣內

北平院 在縣內 普安院 在縣內 文興院 在縣內 文殊院 在縣內

觀

崇真觀 在縣治西朝天坊內宋初在西門外邑人謝重暉等募建紹
興間丞雷光胄增拓之爲祝聖道場嘉定時令趙師縉請額於郡名崇
真道院葉水心爲記元至正間移入城內始以觀稱明成化十七年邑
人吳永綏陳以舟募緣重建道士張守諒修萬曆七年知縣朱廷益卽

清浦縣志 卷二

洞春宮爲義倉後爲僧徒權住祀觀音士像

銅山三清觀

焚版未竣